

# Goibekokokale

ELGETA / Eguaztena / 2001eko abenduaren 5a / 78. zenbakia

KOORDINATZAILEA: Oxel Erostarbe • Barrenkalea, 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com


## Goibeko Kultura Elkarateak batzar orokorra egingo du abenduaren 13an

OXEL EROSTARBE

Abenduaren 13an, Goibeko Kultura Elkarateak batzar orokorra egingo du kultura etxean, gaueko 21:15ean. Besteak beste, GOIBEKOKALE, Goiena Telebista eta Espaloia Kafe Antzokiaren proiektua landuko dituzte bazkideek batzarrean.

GOIBEKOKALE argitaratzeaz arduratzen den elkarte dugu Goibeko Kultura Elkaratea. Duela bi urte sortu zen elkarte eta gero eta gehiago dira, GOIBEKOKALE, *Goienkaria* eta GOITB bultzatu nahian, elkartean izena eman duten bazkideak.

Batzar garrantzitsua izango da abenduaren 13an, Goibekokoak batuko dituen batzarra, hain justu. Izan ere, batzarrean landuko dituzten gaiak esanguratsuak dira: alde batetik, Espaloia Kafe Antzokiaren gaia dago; Espaloia antzokiari bizitasuna emateko, Goibekok egindako proposamenaren inguruan dauden azken berriak azalduko dituzte talde eragilekoek datorren eguean kultura etxean egingo duten batzarrean.



ARTXIBOA

Goibekokoek iaz egin zuten batzar orokorrean Espaloia Kafe Antzokia bultzatzea erabaki zuten.

### LASTER IKUSIKO DA TELEBISTA

Batzarrean landuko duten bigarren gai nagusia GOITB Elgetan noiz ikusiko den izango da. Bai Goibeko Kultura Elkartetik bai

Udaletik esan digutenez, laster sinatuko dute Goienak eta Udalak telebista herrian ikusteko akordioa. Patxi Basauri Elgetako alkateak adierazi digunez,

datorren urteko aurrekontuetan telebista herrian ikusteko Udalak izango dituen gastuak ordaintzeko partida egongo da. Gero eta gertuago dago, hortaz, telebista.

*Bigarren urtean gorantz egin du Goibeko Kultura Elkarteko bazkide kopuruak*

*Espaloia Kafe Antzokiaren proiektua izango da batzarreko gai nagusietakoa*

*Datorren urteko aurrekontuetan telebistako gastuak kontuan hartuko ditu Udalak*

HERRITARREN HITZA / Dani Gillegi • Basogintzako ingeniari teknikoa

## Ze euskera Goienkarian?

Honako hau GOIBEKOKALE berrian idazten dudana lehenengo aldia da. Elgetan arima gutxi bizi gara eta gehienek aspaldi galdu zituzten beraien hezur eta haragia; beraz, orrialde zati hau betetze aldera, nigana jo, eta nik baiezkota eman diot.

Aurretiaz bi aldiz idatzi izan dut lehenengo GOIBEKOKALEn, natura eta ekologia gaitzat hartuta. Gaurkoan beste gai batekin natorkizue.

Edozer gauza idazteko, nahiz eta huskeria bat izan, alboan beti hiztegia behar izaten dut. Nola esaten da hau euskeraz? Eta idatzi? Honi

gramatika arazoak gehitzen zaizkio; aditza amaieran, hasieran, bietan ondo... Beraz, lerro ziztrin bat osatzeko denbora mordo bat pasatzen dut, azkenean gaizki idazteko.

Orain arazo berri bat batu zaie aurreko denei. Hasiera-hasieratik joan izan naiz ikastolara eta bertan egon UBI bukatu arte. Txikitan irakatsi zigun Lupe andereñoak euskera batuaren



**"Batua, denok ulertzeko sortua izan zena, ulergaitza izaten da sarritan"**

lehenengo zertzeladak. Umetan batuaz ikasitako lehenengo esaldia *Komunera joan al naiteke?* izan zen. Lau hitz horiek, bata bestearen ondoan zuzen jarrita, kristoren hotza egiten zuen gelara joateko baimena ematen zuten. Garai haietan euskera batu bakar bat zegoen, nik estandarra deitzen

diodana. Gaur egun, ordea, batua ugaritu eta askotan ulertezin bihurtu da: iparralde-

ko euskera batua, Gipuzkoa-koa, mendebaldekoa... Batua, euskaldun denok elkar ulertzeko sortua izan zena, makina bat bider ulergaitza da. Zer esan nahi dudana jakiteko, iparraldeko idazle batek artikulua idazten duenean *Euskaldunon Egunkaria* erosi besterik ez duzue. Arazoa ez da hemen bukatzen. Gaur egun, euskalkien idatzizko presentzia gero eta handiagoa dugu. Baina hemen ere sekulako nahasmasa: euskalki estandarra, azpieuskalkia, bailarakoa, herrikoa... Nire galdara: *Goienkariako* ze euskera erabili bihar da?

### LABUR

#### Gabonetako bolo txapelketa hasiko da barikuan

Barikuan, Gabonetako bolo txapelketa hasiko da, gaueko 23:00etan.

Lau joko-aldi izango ditu aurtengo txapelketak. Barikuan izango da lehenengoa eta abenduaren 15, 22 eta 29an izango dira gainerakoak.

Lau joko-aldi horietan erregularrena izango da txapelketa. Hala ere, aldi bakortzean txirilo gehien botatzen dituzten laurak ere izango dituzte sariak. 500 pezetan ordaindu behar dira txapelketan parte hartzeko.



## ELKARRIZKETA

**PATXI BOUZAS/DEFENTSA PERTSONALEKO IKASTAROKO ARDURADUNA**

*“Eraso baten aurrian hartu biharreko jarrera landuko dogu ikastaruan”*

O.E.

**G**aztetxiak antolatu daban defentsa pertsonaleko ikastaroko arduraduna da Patxi Bouzas elgetarra. Hainbat urtetan karate egitten jardun eta gero, berai dago-kio orain, eraso baten aurrian zelan defendatu irakastia.

**Zuk emango dozu defenza pertsonaleko ikastarua, zein da ikastaruaren helburua?**

Helburua, ikastaruan parte hartzen daben danek, euren kontra eraso bat izan ezkerorantzuna prest edukitzia da. Oin dala urte batzuk karate egitten arritu nintzan, orduan ikasittako teknikak landuko dittugu ikastaruan.

**Zeini zuzenduta dago ikastarua?**

Ikastaruan edozeinekin hartu leike parte. Neska, mutil, edadeko jende edo eta gaztientzat ikastarua interesgarrixa izateko asmua daukagu.


**Kirol pixkat egitteko aukera be izango da?**

Bai, alde batetik autodefentsarako teknika desberdiñak landuko dittugun arren, kirola egitteko aukeria emoten dau ikastaro honek. Kontuan izan bihar dogu, landuko dittugun teknikak gorputza lantzia eskatuko dabela.

**Zeintzuk dira ikastaruan landuko dittuzuen teknikak?**

Autodefentsarako ikastarua danez, eraso bati aurre egitteko teknikak landuko dittugu. Erasua era desberdiñekuak izan leizkela kontuan hartuta, aurre egitteko teknika desberdiñak landuko dittugu. Erasoa desberdiñei emon biharreko erantzun egokixena zein dan ikastiaz gain, erlajatzeko teknikak be landuko dittugu. Azken batian, karate eta *kung fun* erabiltzen diran teknikak lantzen ahaleginduko gara ikastaruan.

**Zein da eraso baten aurrian defentsarik egokixena?**



O.E.

*Autodefentsarako teknikak lantzia gain kirola egitteko aukera aproposa da ikastarua*

Adittuek esaten dabenez, eraso baten aurrian egokixena, ahal izan ezkeror behintzat, ihes egittia da. Gertatzen da, sarritan ez dala izaten ihes egitteko aukerarik. Ikastaruan, holako kasuetan izan biharreko erantzun egokixenak lantzia gain, erantzun hori neur-

*Eraso baten aurrian izan biharreko erantzuna, bihar dan modukua izatia landuko dogu*

tutakua eta zentzuzkua izaten erakutsiko dogu. Erasuari erantzuna emoteko aukera izan ezkeror, erantzun hori kontrolautakua izaten erakusteko ahalegiña be egingo dogu. Erasoa bati emon biharreko erantzuna, ezin da eta erasua bera baiño gogorragua izan.



## Iban Arantzabal saritua Donostian

Iban Arantzabalek, Kutxak antolatutako gazte enpresa sustatzaile lehiaketan lehenengo saria jaso zuen aurreko bari-kuan. Donostian egindako sari banaketan, 5 milioi pezetako saria jaso zuen Ibanek, MPHiru management, euskal taldeen promoziorako ideia berritzailearen inguruan, aurkeztutako proiektuarekin./O.E.



## Pagoa erori da Asentzioko ermitan

Azaroaren 10ean egindako elur eta haizearen eraginez, Asentzioko ermita gainera eroritako pagoaren subasta egin zuten atzo eguerdian bertako auzokoek. Subastatik ateratako dirua, ermitan gertatu diren kalteak ordaintzeko erabiliko dute. Pagoa subastan hartu duenak, hilabeteko epea izango du erretiratu eta ingurua garbi lagatzeko./O.E.

**JAR EZAZU  
HEMEN  
ZURE  
PUBLIZITATEA**

Goibekokale

**Uriburu UTEk  
saltzen du:**

Domingo Iturbe kalean  
**ETXABE KOMERTZIALA**

Etxe berrien azpian  
**PREZIO INTERESGARRIAK**  
943 76 11 23  
670 781 759



**OSTATU  
JATETxea**

•Eguneko menua 800 pzta.  
•Karta.

Gudarien Bide, ELGETA  
Tel: 943 76 80 23

**Aperribay, s.l.**

*Marmoldegi  
eta granitoak*

Pagatza indus. z/g.  
Tel. eta faxa: 943 78 90 21

**20690 ELGETA**



## ERRETRATUZAHARRA

Ozaetako  
lagun taldea,  
1946. urtean

**O**raingo asteko erretratu zaharra 1946. urtekoa da. Ozaetan ateratakoa da, Andres tabernaren ondoan hain zuzen ere. Argazkian ageri den ingurua ez da asko aldatu: gaur egun ere antzera dago leku hori. Ezkerraldean, Andres taberna zabalik zegoen orain dela gutxira arte, eta atzean ikusten diren eskailerak ondoko etxeetara igotzeko erabiltzen dituzte auzokideek.

Argazkian agertzen direnak Ozaetakoak dira guztiak. Berrogeita hamabost urte igaro dira ordutik. Esther Arrondok emandako informazioaren arabera, erretratuan agertzen direnetatik lau bakarrik bizi dira: Julio Simon Zabaleta (zaharrena, gaur 88 urte dituen), Antonio Aizkorrialde, Andres Azkargorta eta Jesus Mari Ilarduia.

Honako hauek dira argazkikoak, ezkerretik eskumara:

Zutik: Carmelo Arrieta "Bizkai", Santi Iriarte (eskaileretan), Andres Azkargorta (mutikoa), Julio Simon



Zabaleta, Benito Arrondo (bizikleta gainean) eta Antonio Aizkorrialde.

Jarrita: Mariano Mujika "Beteixo", Serapio Ilarduia eta Jesus Mari Ilarduia (Serapiok besoetan duen haurra).

Argazkia: Esther Arrondo.

## ADI IRAKURLE!

Zure erretratu zaharra argitaratzea nahi izanez gero, zatoz BERRIGARAra (Irizar jauregia, Barrenkalea 33) edo Elgetako Kultura Etxera. Zain gaituzu!

## NOLAALDATUDIRENGAUZAK

Cinema  
Vergararen  
lekuan, etxeak


**A**skok eta askok gogoan izango dute gaurko Burdiñateko etheen tokian zegoen Cinema Vergara. Sasoi batean hiru zine areto izan ziren zabalik batera Bergaran: aipatutako Cinema, Irala aretoa (hiruretatik handiena) eta Novedades.

Cinema Vergararen ondoan Alkorta okindegia zegoen, gaurko Konde panaderokuaren tokian hain zuzen.




± 1980

Cinema Vergara. Técnicas de difusión irakur daiteke. 1978 urtearen inguruan itxi zuten (Udal Agiritegia, Josune Narbaiza).



2001

Esan bezala, 1980ko hamarkadan etxeak eraikitzen hasi ziren zine aretoa zegoen tokian. Ingurua erabat aldatu da ordutik.



**Manufacturas  
LARRAÑAGA**

- Lan-babeserako artikulua
- Seinaleztapena
- Jantziak

Leizeaga 1. BERGARA  
Tf. / faxa 943 76 59 53.

**Zuri Beltz  
margoak**

Barnealde eta kanpoaldean  
erreforma

Pintura zerbitzu osoa  
Moketak

943 76 14 60  
607 447 494  
943 76 59 59  
Bergara



**umelaga**  
JATETXEA

59 urte zuen zerbitzura!

San Antonio 5. BERGARA. 943 76 20 21



**MEMESA**

INDUSTRI HORNIDURAK

Tel. 943 71 24 25  
BERGARA



## Etxerako ederrena, Zanguitun



Koloreak  
sortzeko  
makina  
Paretetarako,  
zorurako,  
altzariak  
margotzeko...

Eskulan eta arte  
ederretako  
produktuak ere  
baditugu!

### ZANGUITU margoak

Irala z/g. BERGARA.  
Tel.: 943 76 19 54.

### IRU margoak

Araba etorbidea 3. ARRASATE.  
Tel.: 943 79 11 71.

Parket flotatzailea\* Sintasola\* Mocketak\*  
Paper pintatuak

\*Salmenta eta etxean ipintzea.



### deco-tex ZANGUITU alfonbrak

Herri lagunak 4. BERGARA.  
Tel.: 943 76 08 69.

Alfonbrak Alfonbrak neurritik Funda nordikoak  
Edredoiak Kortinak Toailak Izarak

## Era guztietako azulejoak eta zoladurak, Gelatzun



**gelatzen s.l.**

Zubillaga auzoa, 1.  
OÑATI

Tel.: 943 71 63 22,  
Faxa: 943 78 15 51



# GRUPO RK/UZ

1950-2001




**ETXE MOBEL**  
MUEBLES ALTZARIEN

Araba Etorbidea 5 •  
Tel. / Faxa: 943 79 41 82  
**ARRASATE**



**RK/UZ**  
ALTZARIEN

Araba etorbidea 20 •  
Tel. / Faxa: 943 79 23 51  
**ARETXABALETA**



**RK/UZ**  
ELEKTRAGAILUAK

Asunción, 1 •  
Tel. / Faxa: 943 79 10 97  
**ARETXABALETA**

**expert**

**RK/UZ**  
SUHARDE INTEGRALA

Mitarte 3 •  
Tel. / Faxa: 943 77 04 55  
**ARETXABALETA**

**FAGOR**

**50 urte baino gehiago gure bezeroen zerbitzura.**

*Eskerrik asko emandako konfiantzagatik*